

Johresbericht Kitu

Hüt vomene Johr hei mir mitem Kitu gstartet. E luschtigi, läbigi Gruppe hei mir dörfe übernä. Voller Elan si sie drbi, wenn mir d Grät füre nähme. Chlättere, balanciere, gumpe, springe, Bälleli schiesse, aues mache si gärn. Aber ou Ritual si sehr wichtig worde. Dr Begrüssigskreis und dr Abschluss Kitu Boogie ghöre mittlerwile eifach derzue. So isches bis zum Summer gange.

Tuna, Tunaaa nid ufechlättere. Gopf wieso lost dä nid? Ups, dass isch jo dr Taha. So isches am Gabi u mir gange wo mir nach de Summerferie 38 Nämme nöi hei müesse lere. Jo es isch äng worde i dr Haue und mir si froh gsi wo's wärmer isch worde und mir use hei chöne.

Erstundlech schnäu hets klappet mit de Regle und do isch ou scho z Soirée vor dr Tür gstange. Üses Ziel isches gsi d Ching eleini uf d Bühni zschicke. Und dr Erfolg isch super gsi. Mir si mega stolz gsi uf die chline Chnöpf und fröie üs witerhin mit ihne dörfe z turne.

Eui Kituleiterinne Gabi und Tanja